

## **GUVERNU 'TALIANU**

Guvernu 'Talianu è veru buttanu,  
cci suca lu sangu a lu poviru omu;  
li tassi chi metti su' cosi trimenni,  
chi fannu trimari li spaddi e li renti.

C'è tassa ppi tuttu: manciari e biviri,  
vigghiari e durmiri, campari e muriri.  
Ma cci su' du' cosi a chistu mumentu,  
ca nun su' soggetti a lu tassamentu.

Cu' l'occhi chini e a panza vacanti,  
'na manu darrerri e 'n'otra davanti;  
che' peri scausi e i causi strazzati,  
jemu girannu 'ppi sti' strati strati.

Semu arriddutti comu l'armi santi,  
nuri a lu 'nfernu 'nta lu focu ardenti;  
e c'è di luntanu cu' ni fa la cucca,  
e tutti li cosi si cogghi e si 'mmucca.